

SAKSUTGREIING

Aurland fjellstyre

Møtedato. 20.3.19

Stad: Fjordsenteret

Sak 11/19. Oppretting av 2-årig engasjement som fjelloppsyn

Saksopplysing/vurdering

Fjellstyret har dei siste par åra hatt mykje prosjektarbeid for NINA i samband med CWD-undersøkingar. Prøvetaking på salteplassar for sau har teke mykje tid i sommarsesongen, oppsetjing av viltkamera og ettersyn av desse skjer gjennom heile året. Likeeins har fjelloppsynet mykje arbeid med tilsyn av gjerdet mellom sone 1 og sone 2. Dette er eit oppdrag for SNO (Miljødirektoratet), og krev særskilt stor innsast i vinterhalvåret. Gjerdeoppdraget vil truleg vera langsiktig, då gjerdet skal stå i heile brakkleggingsperioden på 5 år, og truleg lenger enn det. Eg har vore i kontakt med NINA for å høyra kva tidsperspektiv dei har på prosjektet med prøvetaking på salteplassar, og fått vita at prosjektet berre er sikra finansiering ut 2019. Kva som skjer vidare, vil truleg vera avhengig av kva som kjem ut av dei laboratorietestane som vert gjort av innsamla jordprøver. Dersom ein finn CWD-prion i desse, er det mykje truleg at prosjektet held fram.

Frå august 2017 har fjellstyret engasjert ein ekstra mann i oppsynet til å gjera arbeidet med innsamling av jordprøver og ein del av gjerdearbeidet. Han hadde sist sommar i tillegg hovudansvaret for tilsynet med sau i Stemmerdalen, noko som til tider kunne vera vanskeleg å kombinera med den omfattande prøvetakingsjobben rundt om i Nordfjella.

Det er grenser for kor lenge eit arbeidsforhold kan vara, utan anten fast tilsetjing eller tilsetjing for t.d. ein prosjektperiode. Eg meiner difor at fjellstyret bør oppretta eit tidsavgrensa engasjement på to år, sjølv om tilgangen på prosjektarbeid førebels berre er sikra det første året. Arbeidsmengda er større om sommaren enn om vinteren. Eit opplegg med 100 % stilling halve året (mai – oktober) og 50 % om vinteren (november – april) vil difor vera aktuelt. Arbeidsmiljølova opnar for tilsetjing i denne typen engasjement når det gjeld tidsavgrensa prosjekt. Makstida ein arbeidstakar kan vera engasjert på grunnlag av prosjektarbeid, utan tilbod om fast tilsetjing, er 4 år.

Ei utrekning av korleis eit slik 2-års engasjement i heil stilling kan slå ut økonomisk for fjellstyret tilseier følgjande:

- Med i gjennomsnitt 60 % tenestesal til kr 621 per time gjev det eit årleg overskot på kr 82.000 per år, dersom stillinga er løna som bachelor, kr. 9000 i kostnad dersom stillinga er løna på masternivå. I tillegg får fjellstyret 600 timer som kan nyttast til fjellstyrearbeid, og som vil vera nær gratis arbeidskraft (som fjellstyret kanskje og vil få noko statstilskot for – dette var kr 176,50 per time i 2018).

SAKSUTGREIING

Aurland fjellstyre

Møtedato. 20.3.19

Stad: Fjordsenteret

Sak 11/19, side 2

Når det gjeld statstilskotet, er det ikkje automatikk i at auka timetal gjev auke i samla tilskot. Her kjem det an på kva som er lagt inn i godkjent budsjett, og kor mykje pengar som finst i statsbudsjettet til fordeling på fjellstyra. Det er ikkje lagt inn ekstrakostnader som kontorplass og utstyr i reknestykket.

Utrekninga tyder på at det inneber liten økonomisk risiko for fjellstyret å oppretta eit engasjement som skissert for 2 år, sjølv om oppdragsmengda, og dermed prosenten tenestesal, skulle gå ned det andre året.

Framlegg til vedtak

Fjellstyret opprettar eit 2-årig engasjement som fjelloppsyn gjeldande frå 1. april 2019. Arbeidsåret vert fordelt slik:

- 100 % stilling 1. mai – 31. oktober
- 50 % stilling 1. november – 30. april

Dagleg leiar tilset og inngår dei avtalar som må gjerast.

Fjellstyrekontoret, den 14.3.19

Harald Skjerdal